



Infurmaziuns per la realisaziun:

Directivas concernent l'organisaziun e la permeabilitad dal stgalim secundar I / Manual Didactica ed organisaziun da las 3. classas dal stgalim secundar I

Sco vus savais, vegn il plan d'instrucziun 21 Grischun introducì in onn pli tard en las 3. classas dal stgalim secundar I. Quai ha da far en emprima lingia cun ina innovaziun dal passadi da la scola populara al stgalim secundar II. Da nov retschaivan las scholaras ed ils scolars da las 3. classas dal stgalim secundar I **temp a disposiziun per l'individualisaziun**. Durant quai temp han els la pussaivladad da sa preparar intenziunadamain sin lur scolaziun persunala e professionala.

En la **disposiziun dal departament** ed en las **directivas** correspudentas (guardai art. 4 e 5) chattais dad ina vart las regulaziuns liantas tar l'accent individual tschentà da las scholaras e dals scolars e da l'autra vart las prescripziuns chantunalas pertutgant l'organisaziun da las structuras da temp per l'individualisaziun.

Il manual digital **didactica ed organisaziun 3. classas sec I** explitga il rom concepziunal da las structuras da temp per l'individualisaziun ed approfondescha ord vista da la pratica, tge che è da resguardar tar la realisaziun al lieu. Ulteriuramain cuntegn il manual impurtants aspects pedagogics e didactics per realisar questas structuras da temp che pussibiliteschan in meglierament considerabel dal passadi tranter il stgalim secundar I e las differentas purschidas sin il stgalim secundar II.

En vista al stgalim secundar II è il suandant patratg da gronda muntada: "**Gida mai da far sez.**" Maria Montessori)

En la tabella sutvart èn resumadas las mesiras da sustegn chantunalas pertutgant la realisaziun da las structuras da temp per l'individualisaziun.

Per plaschair remartgai ils suandants dus puncts:

1. Il meglier utilisais il manual en la versiun digitala: [Link](#). Sur ils links arrivais directamain sin ils documents da basa, ils formulars u era las descripziuns da cumpetenzas en il plan d'instrucziun 21 GR.
2. Ils cussegls da scola, las direcziuns da scola e personas d'instrucziun dal stgalim secundar I che èn pertutgadas vegnan supplitgads da studegiar il manual avant che las occurrenzas da sustegn e da furmaziun supplementara han lieu.

Tar dumondas supplitgain da sa drizzar a l'inspecturat districtual.

Cura	Tgi	Tge	Commentari
Fin october 2018	Cussegl da scola (presidentas e presidents sco era commembers e commembras dal cussegl)	Infurmaziun e barat: Occurrenzas regiunalas dals inspecturats districtuals en las linguas da scola	Quels termins èn gia vegnids communitgads dals inspecturats da scola regiunals.
Entschatta november 2018	1. prioritad: Mainascolas dal stgalim secundar I 2. prioritad: Mainascolas dal stgalim primar	Infurmaziun e cussegliaziun professiunala per la scola locala: Sesida da quartal: Mainascola cun inspectur/-a da scola	Quels termins vegnan coordinai tranter l'inspecturat da scola districtual e la direcziun da scola locala. Davantvart stat il scleriment da dumondas da la scola locala pertutgant las directivas sco era ils documents concepziunals en il manual.
November, december 2018	Mainascolas stgalim secundar I	Cussegliaziun specifica tenor il principi da clamar: Supplementarmain a la sesida da quartal stat l'inspecturat a disposiziun per ina cussegliaziun persunala	Eventuals termins supplementars vegnan fixads a chaschun da la sesida da quartal.
December 2018 fin favrer 2019	Conferenza team da scola stgalim secundar I	Infurmaziun e cussegliaziun professiunala: Il/la mainascola e l'inspecturat responsabel infurmeschan l'entir team da scola e sclereschan dumondas specificas da la scola locala.	La direcziun da scola procura che las persunas d'instrucziun retschaivan anticipadamain las directivas sco era il manual "didactica ed organisa-ziun 3. classas sec I" per pudair studegiar quests documents.
Favrer fin matg 2019	Mainascolas stgalim secundar I sco era persunas d'instrucziun da quest stgalim che èn responsablas per l'instrucziun en las structuradas da temp per l'individualisaziun	Furmaziun supplementara obligatorica: In team da manaders da curs che s'occupa dapi onns cun questa tematica, approfondescha ils aspects didactics e metodics centrals en vista a la pratica e sin basa da las directivas chantunalas resp. sin basa dil manual.	In team da manaders da curs vegn cumpletta da persunas d'instrucziun dal stgalim secundar I che portan viaden lur experientscha pratica sco era lur fundus da materialias d'instrucziun. Ils termins da curs da questa furmaziun obligatorica vegnan communitgads il november 2018.
Davent da l'atun 2019	Mainascolas stgalim secundar I sco era tut las persunas d'instrucziun dal stgalim secundar I da la scola locala	Furmaziun supplementara interna: Sin basa da las emprimas experientschas po il team da scola reservar ina furmaziun supplementara interna. La direcziun dal curs discuta cun il/la mainascola davart las finamiras ed ils cuntegns dal curs cun l'intenziun ch'il team sappia vegnir sustegni optimalmain.	Questa furmaziun supplementara interna vegn probablmain menada dal medem team da curs che è stà responsabel per la furmaziun supplementara obligatorica. L'annunzia per quest curs è pussaivla davent dal mars 2019.